



Broj: JN05-16-4-86-6/18
Sarajevo, ~~24.12.~~2017. godine

Na temelju članka 70. i članka 89. Zakona o javnim nabavama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, d o n o s i

ODLUKU

o dodjeli ugovora u postupku javne nabave

I

Dodjeljuje se ugovor ponuđaču ELKOM d.o.o. Vitez, Divijak bb, 72250 Vitez u postupku javne nabave uredskog materijala za potrebe Ministarstva pravde Bosne i Hercegovine.

II

Ponuđač iz točke I ove odluke dostavio je ponudu s najnižom cijenom u skladu sa člankom 64. stavak (1) tačka b) Zakona o javnim nabavama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 06.12.2018.godine pokrenulo konkurentski postupak nabave uredskog materijala, izvršilo objavu na portalu javnih nabava Agencije za javne nabave Bosne i Hercegovine www.ejn.gov.ba 06.12.2018.godine i uputilo pozive ponuđačima na tri različite adrese.

U ostavljenom propisanom krajnjem roku za dostavljanje ponuda pristigle su ponude od sljedećih ponuđača:

1. R&S d.o.o. Sarajevo, Igmanska bb, 71320 Vogošća.
2. ELKOM d.o.o. Vitez, Divijak bb, 72250 Vitez,

Povjerenstvo za javne nabave Ministarstva pravde Bosne i Hercegovine (u daljem tekstu: Povjerenstvo) je izvršilo analizu i procjenu dokumentacije uz pristigle ponude i utvrdilo da dostavljena ponuda ponuđača R&S d.o.o. Sarajevo i ELKOM d.o.o. Vitez ispunjavaju formalno-pravne i tehničke uvjete navedene u tenderskoj dokumentaciji te da se kao takve smatraju prihvatljivim ponudama. Povjerenstvo je nadalje izvršila uvid u dostavljene uzorke navedenih ponuđača te konstatovala da isti odgovaraju zahtijevanim karakteristikama navedenim u Aneksu 2. tenderske dokumentacije.

Nadalje, Povjerenstvo je konstatovalo da su u ponudama navedenih ponuđača vršene ispravke, i to kod ponuđača R&S d.o.o. Sarajevo u Aneksu 2 – Obrazac za cijenu ponude/r.b. 90. (maramice za čišćenje), a kod ponuđača ELKOM d.o.o. Vitez u Aneksu 2 – Obrazac za cijenu ponude/r.b. 83. (CD-R) i u Aneksu 9 – Okvirni sporazum o sukcesivnoj kupoprodaji uredskog materijala (ukupna vrijednost okvirnog sporazuma sa PDV-om). Navedene ispravke su izvršene na način utvrđen tačkom 5.2. tenderske dokumentacije odnosno iste su vidljive i potvrđene potpisom ponuđača, uz navođenje datuma ispravke.

Slijedom konstatiranog, Povjerenstvo je pristupila rangiranju prihvatljivih ponuda na temelju kriterija najniže cijene.

Povjerenstvo je dalje konstatovalo da je tačkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16). Člankom 3. stavak (1) Pravilnika o

uvjetima i načinu korištenja e-aukcije propisano je da prije zakazivanja e-aukcije ugovorno tijelo u sistem e-Nabave unosi sve prihvatljive ponude.

Slijedom navedenog, Povjerenstvo je u sistem e-Nabave unijela ponude ponuđača R&S d.o.o. Sarajevo i ELKOM d.o.o. Vitez, kao prihvatljive ponude te zakazala e-aukciju za dan 24.12.2018.godine (ponedjeljak) sa početkom u 10:30 sati, a u trajanju od 20 minuta. Nakon što je e-aukcija završena, a na temelju podataka iz Izvještaja o toku i završetku e-aukcije koji čini sastavni dio ovog zapisnika, Povjerenstvo je pristupilo rangiranju prihvatljivih ponuda o čemu je formirana rang lista prihvatljivih ponuda kroz Zapisnik o ocjeni ponuda broj: 18.6-16-4-10658-2/18 od 24.12.2018.godine.

Člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik BiH“ broj: 39/14), donosi odluku o prestanku postupka javne nabave i obavještava ponuđače u skladu sa člankom 71. navedenog zakona.

Člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Tačkom 7.1. tenderske dokumentacije propisano je da je kriterij za dodjelu ugovora najniža cijena.

Slijedom navedenog, a na temelju rezultata provedene e-aukcije, Povjerenstvo je jednoglasno dalo preporuku ministru pravde BiH u skladu sa Zapisnikom o ocjeni ponuda broj: 18.6-16-4-10658-1/18 od 18.12.2018.godine i Zapisnikom o ocjeni ponuda broj: 18.6-16-4-10658-2/18 od 24.12.2018.godine, da se u predmetu nabave uredskog materijala donese odluka o dodjeli ugovora ponuđaču ELKOM d.o.o. Vitez, Divijak bb, 72250 Vitez sa konačnom cijenom od 22.300,00 bez PDV-a (slovima: dvadesetidvijeiljadetristotine i 00/00 KM).

Istovremeno, Povjerenstvo naglašava da je u skladu sa tačkom 3.1.1.2. i 3.1.1.3. tenderske dokumentacije ponuđač ELKOM d.o.o. Vitez obvezan dostaviti dokaze o ispunjavanju uvjeta lične sposobnosti (članak 45. stavak (1) tačka a) do d) Zakona o javnim nabavama) u roku ne dužem od 5 (pet) dana od dana prijema odluke o dodjeli ugovora. Navedeni dokazi moraju biti fizički dostavljeni na protokol ugovornog tijela u radnom vremenu ugovornog tijela (od 09 do 17 sati), u originalu ili ovjerenoj kopiji od strane nadležnog tijela, pri čemu ne smiju biti stariji od 3 (tri) mjeseca računajući od dana dostavljanja ponude i moraju sadržavati u sebi potvrdu da je ponuđač u momentu predaje ponude ispunjavao uvjete koji se traže tenderskom dokumentacijom.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o rezultatima postupka nabave.

